Tarikh Dibaca: 31 MAC 2023M I 09 RAMADAN 1444H



# KHUTBAH JUMAAT

## Tajuk:

## "PUASA MENINGKATKAN KETAKWAAN UMAT ISLAM"

\*\*\*

Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR



### "PUASA MENINGKATKAN KETAKWAAN UMAT ISLAM"

اَلْحَمْدُ لِلَّهِ الْقَائِلِ: يَتَأَيُّهَا الَّذِينَ ءَامَنُواْ كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿ اللَّهُ وَحْدَهُ لِاَ شَرِيكَ لَهُ وَأَشْهَدُ أَنَّ اللَّهُ وَحْدَهُ لاَ شَرِيكَ لَهُ وَأَشْهَدُ أَنَّ اللَّهُ مَعَيِّدَ نَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وسَلِّمْ وَبَارِكْ عَلَى سَيِّدَنَا مُحَمَّدٍ وَعَلَى اللهِ وَصَحْبِهِ لَ أَجْمَعِيْنَ. سَيِّدِنَا مُحَمَّدٍ وَعَلَى اللهِ وَصَحْبِهِ لَ أَجْمَعِيْنَ. اللهِ فَقَدْ فَازَ المُسْلِمُونَ، اِتَّقُواْ اللَّهَ، أُوْصِيكُمْ وَإِيَّايَ بَتَقْوَى اللهِ فَقَدْ فَازَ المُتَّقُونَ. وَاللهِ فَقَدْ فَازَ المُتَقُونَ. وَاللهِ قَلْمُونَ اللهِ قَلْمَوْنَ اللهِ قَلْمَوْنَ اللهِ قَلْمَوْنَ اللهِ قَلْمَوْنَ اللهِ قَلْمُونَ اللهِ قَلْمَوْنَ اللهُ مَا اللّهُ مَا الله عَلَى اللهِ قَلْمُونَ اللهِ قَلْمَوْنَ اللهِ قَلْمَوْنَ اللهُ عَلَى اللهِ عَلَى اللهِ قَلْمَوْنَ اللهِ قَلْمُونَ اللهِ قَلْمُونَ اللهُ عَلَى اللهُ مَسْلِمُونَ اللهِ قَلْمُونَ اللهِ عَلَى اللهِ عَمْدُلُواْ اللّهُ مَا اللهُ عَلَى اللهُ اللهُ اللهُ عَلَى اللهِ عَلَى اللهِ عَلَى اللهُ عَلَى اللهِ عَلَى اللهِ عَلَى اللهِ عَلَى اللهِ عَلَى اللهُ عَلَى اللهُ الل

#### Muslimin yang dirahmati Allah sekalian,

Marilah kita berusaha meningkatkan ketakwaan kehadrat Allah SWT, dengan melaksanakan segala perintah-Nya serta meninggalkan larangan-Nya supaya kita termasuk golongan orang-orang yang beroleh kebahagiaan di dunia dan di akhirat.

<sup>&</sup>lt;sup>1</sup> al-Baqarah : 183. <sup>2</sup> ali-Imran: 102.



# Khutbah hari ini bertajuk "PUASA MENINGKATKAN KETAKWAAN UMAT ISLAM."

#### Muslimin yang dirahmati Allah,

Sesungguhnya konsep puasa, bukan sekadar untuk menahan diri daripada makan dan minum serta segala perkara yang membatalkannya, tetapi hendaklah juga mengawasi pancaindera seperti mata, telinga dan lisan serta anggota badan daripada melakukan perkara yang boleh membawa dosa dan maksiat. Hadis daripada Abu Hurairah Radiallahuanhu bahawa Rasulullah SAW bersabda:

"Puasa itu bukan sekadar menahan diri daripada makan dan minum, tetapi puasa yang sesungguhnya menahan dari daripada perkara yang sia-sia dan keji. Jika seseorang mencaci kamu atau memperbodohkan kamu, maka katakanlah saya sedang berpuasa."

(Riwayat Ibnu Hibban).

Sayugia di bulan yang mulia ini, janganlah ada orang Islam yang sengaja tidak berpuasa tanpa keuzuran syarie, kerana selain suatu dosa, puasa yang ditinggalkan itu juga tidak boleh diganti walaupun seseorang itu berpuasa sepanjang hayat. Hadis daripada Abu Hurairah Radiallahuanhu bahawa Rasulullah SAW bersabda yang bermaksud:



"Sesiapa berbuka satu hari pada bulan Ramadan. tanpa ada rukhsah (keringanan) dan tidak juga kerana sakit, dia tidak akan dapat mengganti puasa yang ditinggalkanya itu, sekali pun dia berpuasa seumur hidup" (Riwayat al-Tirmizi).

Oleh kerana itu, hayatilah puasa ini dengan bersungguh-sungguh supaya datang pertolongan Allah SWT, bahawa puasa itu sebagai pendinding, disamping lain-lain kelebihan yang tiada terhingga banyaknya.

#### Muslimin yang dirahmati Allah sekalian,

Umat Islam hendaklah mengambil kesempatan beribadat sepanjang bulan Ramadan ini untuk mencapai darjah ketakwaan dengan melaksanakan;

#### **Pertama: Solat Sunat Terawih**

Solat sunat Terawih hanya disyariatkan pada bulan Ramadan sahaja. Ia bukan sahaja beroleh pahala tetapi mendapat keberkatan termasuk diampunkan dosa. Hadis daripada Abu Hurairah Radiallahuanhu bahawa Rasulullah SAW telah bersabda:

"Siapa yang melakukan Qiam (solat Terawih) dalam bulan Ramadan, kerana Iman dan ihtisab (dengan keyakinan mengharapkan pahala daripadanya), nescaya diampuni Allah dosa-dosanya yang lalu".

(Riwayat al-Bukhari dan Muslim).



Perkataan عنا dalam hadis ini bererti berdiri, maksudnya melakukan solat, termasuk juga lain-lain bentuk ibadat seperti berzikir, membaca al-Quran, iktikaf dalam masjid dan sebagainya. Sementara ungkapan "akan diampunkan dosa-dosa yang lalu" adalah merujuk kepada dosa-dosa kecil sahaja, kerana dosa-dosa besar hanya dapat diampunkan dengan bertaubat dan berjanji tidak akan mengulanginya lagi.

Hal ini menunjukkan bahawa Puasa dan solat terawih, merupakan dua amalan asas pada bulan Ramadan. Amatlah rugi sekiranya kita tidak bersedia melapangkan masa, untuk solat Terawih 20 rakaat seperti yang dilakukan di Masjidilharam Mekah dan Masjid al-Nabawi di Madinah. Solat Terawih hanya dilakukan pada bulan Ramadan sahaja, tidak disunatkan pada bulan-bulan lain. Para sahabat Rasulullah dan orang-orang yang soleh dahulu, mengalirkan air mata apabila berpisah dengan bulan Ramadan, kerana bimbang tidak akan bertemu lagi Ramadan tahun akan datang, atas faktor kesihatan dan usia.

#### Kedua: Infaqkan Harta

Bulan Ramadan adalah waktu yang istimewa kepada mereka yang menginfaqkan harta. Infaq yang wajib seperti zakat Fitrah dan yang sunat seperti sedekah dan wakaf. Mengenai kewajipan zakat fitrah, seperti hadis riwayat Ibnu Abbas Radiallahuanhu katanya:

فَرَضَ رَسُولُ اللّهِ عَلَيْ زَكَاةَ الْفِطْرِ طُهْرَةً لِلصَّائِمِ مِنَ اللَّغْوِ وَالرَّفَثِ وَطُعْمَةً لِلْمَسَاكِينِ



"Rasulullah SAW telah memfardukan Zakat fitrah untuk menyucikan orang yang berpuasa, daripada kata-kata dan perbuatan yang keji dan untuk memberi makan golongan miskin."

(Riwayat Abu Daud dan Ibnu Majah).

Bersedekah untuk menjamu orang-orang yang berbuka puasa, ganjarannya amat besar. Ada pun sifat kedekut dan bakhil adalah antara sifat yang membinasakan diri manusia. Allah SWT berfirman dalam Surah Al- Hasyr ayat 9:

"...Sesiapa yang menjaga serta memelihara dirinya daripada dipengaruhi oleh tabiat bakhilnya, maka merekalah orang-orang yang berjaya."

#### Ketiga: Membaca alquran

Al-Quran diturunkan pada bulan Ramadan dan membacanya adalah ibadah. Al-Quran adalah undang-undang dasar bagi umat Islam. Membacanya adalah ibadah, memikir dan mempelajarinya juga adalah ibadah, dan mengikuti ajarannya adalah wajib. Allah SWT mengurniakan syafaat iaitu kebaikan, rahmat dan keampunan kepada orang-orang yang membaca al-Quran. Hadis daripada Abu Umamah Al-Bahili Radiallahuanhu bahawa Rasulullah SAW bersabda:



"Bacalah al-Quran, kerana pada hari kiamat ia akan datang sebagai syafaat kepada pembacanya."

(Riwayat Muslim).

Lebih-lebih lagi, kalau kita dapat bertadarus bulan Ramadan di masjid ataupun dengan keluarga di rumah, bukan sahaja mendapat syafaat tetapi dapat mendidik keluarga kita mendekati al-Quran.

#### Keempat: Membanyakkan Berdoa

Biar apa pun amalan yang kita buat, namun kita jangan lupa untuk berdoa. Kerana berdoa pada bulan Ramadan dimakbulkan Allah SWT, lebih-lebih lagi berdoa ketika berbuka puasa. Hadis daripada Abdullah bin Amru Radiallahuanhu bahawa Rasulullah SAW bersabda:

"Sesungguhnya bagi orang-orang yang berpuasa, ketika dia berbuka, adalah waktu berdoa yang tidak akan ditolak."

(Riwayat Ibnu Majjah).

Menurut Aishah Radhiallahuanha, Rasulullah SAW mengajarnya berdoa;

"Ya Allah, sesungguhnya engkaulah yang mengurniakan keampunan terhadap dosa-dosaku. Engkau Maha Pengampun, maka ampunilah dosaku."

(Riwayat Ahmad, Ibnu Majah dan al-Tarmizi).



#### Muslimin yang dirahmati Allah,

Puasa Ramadan mengandungi bebagai-bagai hikmah, antaranya; dapat menundukkan nafsu dan memecahkan syahwat sama ada pada makan minum dan lainnya. Puasa juga membersihkan hati daripada kekotoran dosa dan bersedia menjadi orang yang bertakwa. Demikian juga, puasa melatih seseorang bersabar, menyempurnakan janji dan memiliki perasaan belas kasihan. Kerana seseorang yang merasa lapar akan ingat bagaimana rasa orang yang mengalami kelaparan. Semoga datanglah perasaan belas kasihan dan bersedia memberi pertolongan kepada yang memerlukan. Puasa juga melembutkan hati. Hati yang lembut akan merasakan nikmatnya bermunajat serta berzikir kepada Allah SWT.

Oleh kerana itu hayatilah puasa itu dengan bersungguh-sungguh supaya datang pertolongan Allah, bahawa puasa itu sebagai pelindung, disamping lain-lain kelebihan yang tiada terhingga banyaknya. Adalah disarankan, supaya kita dapat meningkatkan ilmu dan mengetahui permasalahan mengenai ibadat puasa, supaya puasa kita diterima oleh Allah SWT.

#### Muslimin yang dirahmati Allah,

Bagi mengakhiri khutbah pada hari ini, marilah kita menghayati saranan berikut:

- 1. Umat Islam hendaklah yakin bahawa puasa dalam bulan Ramadan adalah perintah yang wajib ditunaikan oleh setiap orang Islam.
- 2. Umat Islam hendaklah mengetahui bahawa ada hukum-hakam yang bersangkut-paut dengan masalah puasa, supaya puasanya menepati hukum syarak.



3. Umat Islam hendaklah istiqamah melaksanakan ibadah di sepanjang Ramadan, dengan berpuasa pada waktu siang dan mengerjakan ibadat sunat pada waktu malam, supaya memperoleh keberkatan bulan yang mulia ini.

# أَعُوْدُ بِاللَّهِ مِنَ الشَّيْطَانِ الرَّجِيْمِ وَإِذَا سَأَلَكَ عِبَادِى عَنِى فَإِنِّى قَرِيبُ أُجِيبُ دَعُوةَ ٱلدَّاعِ إِذَا دَعَانِ فَلْيَسْتَجِيبُواْ لِى وَلْيُؤْمِنُواْ بِى لَعَلَّهُمْ يَرْشُدُونَ ﴿

"Dan apabila hamba-hamba-Ku bertanya kepadamu tentang Aku, maka (jawablah), bahawasanya Aku adalah dekat. Aku mengabulkan permohonan orang yang berdoa apabila ia memohon kepada-Ku, maka hendaklah mereka itu memenuhi (segala perintah-Ku) dan hendaklah mereka beriman kepada-Ku, agar mereka selalu berada dalam kebenaran."

(al-Baqarah : 186).

بَارَكَ اللهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ تِلاوَتَهُ، إِنَّهُ هُوَ السَّمِيْعُ الْعَلِيْمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَائِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوْهُ إِنَّهُ هُوَ الْغَفُورُ الرَّحِيْمُ



#### KHUTBAH KEDUA

اَلْحَمْدُ لِلَّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا مِنَ الْمُسْلِمِيْنَ، وَرَزَقَنَا مِنَ الطَّيِّبَاتِ. أَشْهَدُ أَنْ لَّا إِلَهَ إِلَّا اللهُ وَحْدَهُ لاَ شَرِيْكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُوْلُهُ. ٱللَّهُمَّ صَلِّ وَسَلِّمْ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِيْنِ. أَمَّا بَعْدُ، فَيَا عِبَادَ اللهِ، اِتَّقُواْ اللهِ، أَوصِيكُمْ وَإِيَّايَ بِتَقْوَى اللهِ فَقَدْ فَازَ الْمُتَقُونَ. الله مَا لَكُهُ وَلَى اللهِ فَقَدْ فَازَ الْمُتَقُونَ.

#### Hadirin yang dirahmati Allah sekalian,

Marilah sama-sama kita bertakwa kepada Allah SWT dengan melakukan ketaatan kepada-Nya dan menjauhkan diri daripada perbuatan keji dan maksiat.

إِنَّ ٱللَّهَ وَمَكَيِكَتَهُ ويُصَلُّونَ عَلَى ٱلنَّبِيِّ يَاأَيُّهَا ٱلَّذِينَ ءَامَنُواْ صَلُّواْ عَلَى عَلَيْهِ وَسَلِّمُواْ تَسْلِيمًا ۞

ٱللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِيْنَ.



ٱللَّهُمَّ اغْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ الْأَحْیَاءِ مِنْهُمْ وَالْأَمْوَاتِ، إِنَّكَ سَمِیْعٌ قَرِیْبٌ مُجِیْبُ الدَّعَوَاتِ وَیَا قَاضِيَ الْحَاجَاتِ. اَللَّهُمَّ أَعِزَّ الْإِسْلاَمَ وَالْمُسْلِمِیْنَ، وَالْمُسْلِمِیْنَ وَالْمُسْلِمِیْنَ، وَالْمُسْلِمِیْنَ، وَالْمُسْلِمِیْنَ، وَالْمُسْلِمِیْنَ، وَالْمُسْلِمُ وَالْمُسْلِمُ وَالْمُسْلِمُ وَالْمُسْلِمِیْنَ، وَالْمُسْلِمُ وَالْمُ وَالْمُسْلِمِیْنَ، وَالْمُسْلِمُ وَالْمُ وَالْمُ وَالْمُسْلِمُ وَالْمُسْلِمُ وَالْمُسْلِمُ وَالْمُ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنَ وَالْمُسْلِمُ وَالْمُسْلِمُ وَالْمُسْلِمُ وَالْمُسْلِمُ وَالْمُسْلِمُ وَالْمُسْلِمُ وَالْمُسْلِمُ وَالْمُ وَالْمُ وَالْمُسْلِمُ وَالْمُسْلِمِ وَالْمُسْلِمُ وَالْمُسْلِمُ وَالْمُسْلِمُ وَالْمُ وَالْمُ وَالْمُ وَالْمُسْلِمِ وَالْمُ وَالْمُواتِ وَالْمُ وَالْمُ وَالْمُواتِ وَالْمُواتِ وَالْمُسْلِمُ وَالْمُواتِ وَالْمُواتِ وَالْمُواتِمُ وَالْمُواتِمُ وَالْمُواتِ وَالْمُسْلِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُواتِمُ وَالْمُو

نَسْأَلُكَ وَنَتَوَسَّلُ إِلَيْكَ بِنَبِيِّكَ الْأُمِيْنِ، وَنَسْأُ الْحُسْنَى، وَصِفَاتِكَ الْعُظْمَى، أَنْ الرَّبَّانِيَّةِ، وَبِحِفْظِ وِقَايَتِكَ الصَّمَدَانِيَّةِ، مَلِكِنَا الْمُعَظِّم، سُلْطَان سلاغُور، سُلْطَان شَرَفُ ادريس شاه الحاج ابن المرحوم سُلْطَان صَلاَحُ الدِّين عبد العزيز شاه الحاج. اَللَّهُمَّ أَدِمِ الْعَوْنَ وَالْهِدَايَةَ وَالتَّوْفِيْقَ، وَالصِّحَّةَ وَالسَّلامَةَ مِنْكَ، لِوَلِيّ عَهْدِ سلاغُور، شَاه إِبْنِ السُّلْطَانِ شَرَفُ الدِّينِ ادريسِ شاه الحاج، فيْ أَمْنِ وَصَلاَح وَعَافِيَةٍ بِمَنِّكَ وَكَرَمِكَ يَا ذَاالْجَلالِ وَالْإِكْرَامِ. ٱللَّهُمَّ أَطِلْ عُمْرَهُمَا مُصْلِحَيْنِ لِلْمُوَظِّفِيْنَ وَالرَّعِيَّةِ وَالْبِلاَدِ، وَبِلَغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah! Kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga



Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).

Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan daripada kehancuran disebabkan perbuatan Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan di Negeri Selangor rumah-rumah-Mu surau yang aman, mempersatukan dan menjadi nadi kekuatan ummah.

ٱللَّهُمَّ يَا دَافِعَ الْبَلَاءِ، إِدْفَعْ عَنَّا هَذَا الْوَبَاءَ وَالْبَلَاءَ وَالْبَرَضَ وَاللَّهُمَّ يَا دَافِعَ الْبَلَاءِ، إِدْفَعْ عَنَّا هَذَا الْوَبَاءَ وَالْبَلَاءَ وَالْمَرْضَ وَالشَّدَائِدَ وَالْمِحَنَ، بِلُطْفِكَ يَا لَطِيْفُ إِنَّكَ عَلَى كُلِّ شَيْءٍ وَالشَّدَائِدَ وَالْمِحَابَةِ جَدِيْرٌ.

رَبَّنَا هَبُ لَنَا مِنُ أَزْوَاجِنَا وَذُرِّيَّتِنَا قُرَّةَ أَعْيُنِ وَٱجْعَلْنَا لِلْمُتَّقِينَ إِمَّامًا. رَبَّنَآ ءَاتِنَا فِي ٱلدُّنْيَا حَسَنَةَ وَفِي ٱلْآخِرَةِ حَسَنَةَ وَقِنَا عَذَابَ ٱلنَّارِ ۞.



عِبَادَ اللَّهِ، إِنَّ ٱللَّهَ يَأْمُرُ بِٱلْعَدُلِ وَٱلْإِحْسَنِ وَإِيتَآيِ ذِي ٱلْقُرْبَىٰ وَيَنْهَىٰ عَنِ ٱلْفَحْشَآءِ وَٱلْمُنكرِ وَٱلْبَغْيُ يَعِظُكُمْ لَعَلَّكُمْ تَذَكَّرُونَ

9.

فَاذْكُرُواْ ٱللهِ الْعَظِيْمَ يَذْكُرْكُمْ وَاشْكُرُوْهُ عَلَى نِعَمِهِ يَزِدْكُمْ، وَاسْكُرُوهُ عَلَى نِعَمِهِ يَزِدْكُمْ، وَاسْأَلُوْهُ مِنْ فَضْلِهِ يُعْطِكُمْ وَلَذِكْرُ اللهِ أَكْبَرُ وَٱللَّهُ يَعْلَمُ مَا تَصْنَعُونَ.